

云南史料丛刊

第三十九辑

云南大学历史系

云南地方古代史

(原民族历史)

研究室



k297.4
715
39

雲南史料叢刊第三十九輯目錄

道光雲南志

地理志

序 圖說

建置志

沿革

序 井竈

官司

章程

課款

賑恤

礦廠志

序 採煉

錢法

封建志上

序 滇 甸町

夜郎

九隆

爨氏

羣蠻

封建志下

南詔 大理

元宗室

黔寧



道光雲南志鈔概說

王崧字伯高，號樂山，原名藩，號西山，浪穹人。阮元任雲貴總督時，聘崧纂修通志，未竟業辭去。李誠繼之，盡棄成稿而重撰。崧所纂輯已成之地理、建置、鹽法、礦廠、封建、土司、邊裔數門，杜允中刻之，收入樂山集。書口刻道光志鈔四字，尚未刻卷次，疑刻工未完也。傳本甚稀，方臞仙經年在冷攤購得零本，今已歸雲南省圖書館收藏。此書體例，每事融會衆書而述說之，未注出處，與道光通志稱引條舉之例全異。知李誠不用王崧成稿也。土司志浪穹縣土典史王氏述王垣襲曰：「兄崧由進士仕為知縣，又說雲南土官中文學著名者，王氏為最云云。此崧用官書自吁，而此條之末記杜允中填諱，則以私人刊本，又非官書之面目也。」

趙藩撰續雲南備徵志序述其先居（趙聯元）之言曰：「王樂山先生崧應總督阮文達公聘，總纂省志，視舊志為宏富，成書

強半矣。文達述職入京。阮元以道光六年來任雲貴總督。至十五
 年去職。巡撫尹里布公不學人也。分纂黃巖李誠。駁雜而堅僻。每
 與樂山齟齬。巡撫復右之。於是樂山託嫁女辭歸。不復來。李誠為
 總纂於樂山原稿多所竄改。草率成書。糾午復沓。樂山聞而發憤。
 自刻所纂各門。為道光雲南志鈔以示別。按此乃未嘗校讀王崧
 李誠兩本之言。王崧所作實遜於李誠。蓋志書以保存史料為主。
 徵引詳注出處。足以傳信。此李誠本之長。且李誠博洽而有法。能
 詳原委而不紊。非徒逞意立說可比。樂山通經學。不嫻史事。故往
 往有義例而失之瑣碎。不能以樂山之不得意而厚非李誠也。仿
 國瑜識。

道光雲南志鈔一

浪穹王崧伯高謹名著

門下後學同里杜允中註

地理志

班氏志地理，史家相沿為例。續漢書雖易名郡國，實亦地理也。常璩志華陽國為州，郡志所祖。君臣士女，行事皆備，不獨方域、山川、風俗、物產而已。尚書禹貢、周禮職方氏，即古之地理書。山海經、水經、注踵之而作。元和郡縣志旁涉古蹟，太平寰宇記兼及藝文，不免於泛濫。今志雖分門隸事，而以地理為主，地非圖不著，圖非說不明，分野、疆域、山川、氣候、風俗、灾祥，本於天而效於地者，皆於地理門中志之。

圖說

地理之書，古謂之圖經。漢書藝文志形法家，山海經十三篇，以其

有圖故形在法家

古本十三篇，劉秀校建時，又附五篇，說見玉海地理類。中興書目云：山海經圖十卷，梁張僧繇畫。舒雅見僧繇

為十八篇

舊從重繪為十卷

其書囊括海宇，雲南之山川道理，當在所誌所圖中，其

圖既亡，而經之所誌，亦難以考據。隋唐史志著錄之輿記圖經，率皆散佚，其傳於今而最古者，唐李吉甫之元和郡縣志圖。圖至宋已亡，遂獨以志稱。北宋以來，州郡始有志書。雲南通志修於雍正年間者，因吳自肅舊志繪圖列說，弁於部首。但乾隆以後，制度頗有更改，我國家辨方經野，首重輿圖，欽定皇輿圖志，欽定河源紀略及皇清職貢圖諸書，凡列成開屯之域，獻琛納賁之區，莫不繪其形狀，使數萬里外之山川道里，如在戶庭。矧雲南自世祖章皇帝平定後，即與畿輔各省同隸職方統屬，雖時析時併，疆索則愈恢愈廣，圖之而附以說，庶展卷瞭如指掌焉。

雲南省在海內西南陬，其地東至廣西泗城府界七百五十里，西至神護關，接野人界一千七百六十里，南至越南界七百五十里，

北至四川會理州界四百里，東南至廣西鎮安府界一千一百四十里，西南至天馬關，接緬甸界二千三百一十里，東北至貴州普安廳界四百三十里，西北至土番界二千里，東西廣二千五百一十里，南北袤一千一百五十里，雲南府為省會，東北至京師八千二百里。其地當唐虞為南交昧谷之交，夏商為梁州徼外，周合梁於雍，又為雍州，邊裔蠻夷所居，或曰即百濮之國也。戰國時，楚莊蹻略地，西至滇池，歸報道絕，自王其地，號滇國。秦時，始通道置吏，莊氏猶世王滇。漢初，通西南夷，置犍為郡，元封間，以兵臨滇，滇王降，以其國置益州郡。後漢增置永昌郡，亦屬益州部。三國時，為蜀漢地，又分益州置交州。後主建興二年，改為建寧，又增置興古、雲南二郡，以其地去中國遠，置康降都督於建寧總之，遙領交州刺史，今曲靖府廢味縣，是其治也。晉泰始七年，改置寧州，太康三年復省入益州，立南夷校尉以護之。大安二年，復置寧州，自是郡縣益多。咸康四年，分置安州，晉春秋：大寧以後，寧州沒於李蜀，咸康四年，蜀李壽篡立，分鮮于、夜郎、朱提、越雋置安州，既又分興古、永昌、朱提、雲南、越雋、河陽六郡置漢州，明年寧州復為晉有，晉宋志皆云是年置安州，蓋即李壽所置而晉因之，故云。八年，仍

併入寧州

晉志是年以越
萬郡仍屬益州

宋齊因之梁大同中改置南寧諸州承聖

末沒於羣蠻隋開皇十七年復開南中仍置南寧州後又領於益

州都督府唐武德四年置姚州

管羈康州
三十二

貞觀六年於戎州置都

督府督南中一十七州後因之

會要

天寶元年戎州督羈康三十
六州一百三十七縣並荒梗無戶口自開

元之季南詔漸強天寶九載遂有雲南之地僭國號曰大蒙貞元

十年改國號曰南詔大中十三年改稱大禮昭宗天復二年鄭買

嗣滅蒙氏而奪之僭號大長和後唐天成三年趙善政滅鄭氏改

國號大天興明年楊干貞廢善政自立改稱大義寧後晉天福二

年段思平滅干貞自立號大理國宋太祖棄雲南段氏據以傳世

神宗熙寧以後段氏衰元祐元年高氏代之號大中元符二年段

氏復興號後理元憲宗征雲南諸部悉平得五城八府四郡三十

七部立萬戶府十有九設大理都元帥府至元間分大理國三十

七部為南北中三路立總管府旋置雲南行中書省治中慶路明
初平滇改諸路為府改行省為雲南等處承宣布政使司領府二
十二內羈縻者十一州四十二內羈縻者亦十一縣三十內羈縻
者二又西南宣慰司六宣撫司四安撫司二長官司一十四而衛
所諸司參列其中國朝因明之舊而加以變通語在建置志今自
糧儲道兼管雲南武定外分為三迤各置一道領府十四直隸廳
三直隸州四屬州二十七縣三十九分駐同知八通判六州同
一州判四經歷六縣丞三知事一提舉司三鹽大使九巡檢司二
十三其山脉發原於崑崙過西番歷滇黔楚越吳而盡於大江之
岸昔人謂之南幹大龍雲南實據上游老君山穹窿鬱律為滇中
衆山之祖中出為雲縣之梁王山為楚雄之驚毛嶺折而北至羅
次之玉龍山復折而南至昆陽之鍊爐關又東北為高明之岷岫
山又北為高明之邵甸折而西南為省北之陞山紆曲三疊旋轉
如環乃建省治焉他若點蒼高黎貢蒙樂玉龍絳雲露諸山實為

全滇雄鎮，故南詔僭封五岳。水則金沙、瀾滄二江，為隨龍大水。金沙自土番來，經雲南中甸，塔關入麗江界，沿歷永北、賓川、大姚，會打冲河、安寧河，而合於大江。瀾滄自土番鹿石山南流，經雲南之麗江、雲龍、永昌、順寧，而入車里。正東之水，皆匯八達河入廣西。正西之水，皆歸潞江入阿瓦，而景東河、陽瓜江貫穿腹裏，疆界畫然。此三迤之所由分也。省會據五華山，實為輿區，綜其大略。永北一廳，在金沙江外，為其左臂。永昌、順寧在瀾滄江外，為其右臂。大理當迤西之中，枕山帶水，規模雄整，動靜與省會相應。麗江、鶴慶、憑高視下，有建瓴之勢。楚雄、武定、西北之輔車。蒙化、景東、元江、鎮沅、普洱、西南之藩籬。澂江、臨安、正南之屏蔽。廣南、開化、東南之保障。曲靖、廣西、全滇之咽喉。昭通、東川、北門之鎖鑰。而西接緬甸，南隣越南，北抵蒙番，惟東面直達黔楚，外有重關之固，內有諸江之限，扼險據要，控馭羣蠻，洵南服之重地也。若夫鹽池之饒，五金之利，以及職官、武備、土司、夷人與土習、民風，分見各圖說、各門類中。

省之名，起於元，諸京外設為行中書省者十一，而雲南與焉。所治之城，稱為省城，遂相沿不改。漢置益州，治雒，為今四川漢州。晉置寧州，治味，為今南寧縣。唐置劍南道，治益州，為今四川成都縣。皆統轄郡縣之治所也。今之省城在雲南府，附郭昆明縣境。唐代宗永泰元年，南詔蒙氏鳳伽異增築，名拓東城，其偽都在太和，而於東境置拓東節度，言將開拓東境也，為六節度之一。六節度者，曰拓

昌，曰銀生，曰劍川，曰麗水。

後又改稱鄯闡府。

滇記：蒙氏名都曰道畔，別都曰鄯闡。

元曰中慶城，明洪

武十五年，建雲南府，改築磚城，周九里三分，高丈九尺二寸，設

門六，上皆有樓，東門曰咸和。

俗謂之大東門。

樓曰殷春，東北門曰敷澤。

俗謂之小

陳樓曰壁光，南門曰麗正，樓曰近日，西門曰寶成。

俗謂之大西門。

樓曰

拓邊，西南門曰威遠。

俗謂之小西門。

樓曰康阜，北門曰拱辰，樓曰望京。

南門之西有鐘樓，西有鼓樓。環城有河，可通舟楫。外有重關，扼
 衝市之隘。城內有山三：曰五華，曰螺峯，曰祖遍。有池曰九龍，一名翠
 海。俗訛為菜海。有河曰綠水。祝釐之所曰萬壽宮。在五華山頂，其麓
 為五華書院。院南為文廟，廟西北為城隍廟，西南為巡撫署。俗謂之西院。
 其東南為總督署。俗謂之東院。總督署東，越大街為布政司。俗謂之後院。
 司。布政司南為按察司。俗謂之前司。由按察司越大街而西為糧儲道，
 糧儲道之南為鹽法道，螺峯山之西為貢院。又西為雲南府。山
 之東為昆明縣，南為學院。院西為翠海，海西有教場。俗謂之西教場。其餘
 文武大小官署以次環列，其形勢由五華山趾自北而南，達廳
 正門，謂之大街。中道有坊。俗謂之三牌坊。其匾南面曰「平定百蠻」，北面
 曰「懷柔六詔」。道光七年，改題曰「天開雲瑞」，曰「地靖坤維」。大街之

東則布政司、按察司，其西則總督署、巡撫署、糧儲道、鹽法道。出麗正門為南關廂，有坊，匾曰「忠愛」。俗謂之三市街，以其有羊市、馬市、菜市也。偏東為太

教場，雲南府通判分駐於此。由忠愛坊而南，東有坊曰「金馬」，西有坊曰「碧雞」。由金馬坊而東，出重關入京之大道也。由碧雞坊而西，出碧雞關，達楚雄以西諸郡之大道也。

雲南府為雲南省會，其地東至澂江府路南州界一百二十五里，西至楚雄府廣通縣界二百四十五里，南至澂江府新興州界一百五十五里，北至曲靖府尋甸州界一百四十三里，東南至澂江府河陽縣界八十四里，西南至楚雄府南安州界四百二十二里，東北至尋甸州界二百三十里，西北至武定直隸州界一百六十里，東西廣三百七十里，南北袤二百九十八里。禹貢為梁州邊裔，殷周時為徼外西南夷地。楚莊蹻略地至此，據以自王，號滇國。漢元封二年，滇王降，始置益州郡。蜀漢建興二年，改為建寧。

郡治味縣。晉惠帝太安二年，分置益州郡。懷帝永嘉二年，改為
 晉寧郡。宋齊並因之。梁陳間廢。隋初立昆州，尋廢。唐初復立昆
 州，屬姚州總管府。貞觀四年，改屬戎州都督府。天寶末，沒於南
 詔蒙氏，稱鄯闡府。唐昭宗以後至宋，為鄭買嗣、趙善政、楊干貞、
 段思平相繼篡據。元初置鄯闡萬戶府。至元十三年，立雲南行
 中書省，屬中慶路。明洪武十五年，改雲南府，領州四、縣九。國朝
 因之。康熙八年，省歸化入呈貢，三泊入昆陽，今領州四、縣七。隸
 糧儲道。自南詔鳳伽異增築拓東城，遂為西南要地。所轄州縣
 自楚雄府之金橋山而東，高處白華山脊，則羅次也。白華南指
 九峯層累，如拍府治之有，則富民也。祿豐發自羊溪，易門為其
 下委。安寧乃鳳嶺之分支，昆陽乃鐵爐之別脉。晉寧來自闕嶺，
 宜良出於羅藏，呈貢自七甸回闕。嵩明由梁山北折，星羅碁布，
 環拱郡城，屹然一巨鎮也。附郭昆明縣，

東至嵩明州界六十里，西至安寧州界四十里，南至

呈貢縣界三十里，北至嵩明州界五十里，東南至宜良縣界一百二十里，西南水路至昆明州界七十里，東北至嵩明州界五十里，西北至富民縣界四十里。

十古為滇池，建伶、穀、昌三縣地，唐置昆州，治益寧縣。元置善

州，改為雲南行省治，屬中慶路。明為雲南府治，今因之。北負陞山，南臨滇水，金馬東驤，碧雞西翥，城中則五華巋然中立，為郡鎮山，諸峯羅列如屏障。水利則六河環繞，灌溉攸資，曰盤龍江，在縣東，源出嵩明州邵甸，至縣境松華壩分為二，曰

金梭河，一名金源，源出松華山，即盤龍江之左流，曰銀梭河，一名

銀汁源出黑龍潭，曰寶象河，源出嵩明岷岫山黃龍潭，至老崔橋

合流，曰海源河，源出聚仙山，曰馬料河，源出白土村，納六河而成巨浸者，曰滇池，在縣南，周圍三百餘里，涯呈貢、晉寧、昆陽三州縣之水入海口，經螳螂川北，繞富民，達祿勸之普渡河而入金沙江。府西北七十里為富民縣，東至嵩明州界三十里，西至羅次縣界三十里，南至昆明縣界五十

里北至武定州界四十里，東南至昆明縣界五十里，西南至安寧州界三十五里，東北至曲靖府尋甸州界四十里，西北至羅次縣界三十里。古秦

臧縣地，唐初屬昆州，後沒於蠻，烏蠻酋砮門芟末始築為降龍城。元至元中立黎灤千戶所，十二年改為富民縣，屬中慶路。明屬雲南府，今因之。城北九峯山，峯峯相對為縣主山，水則清水河，源出羅次，東注大河，直達滇池。府東一百二十里為宜良縣，

東至徽江府路南州界二十里，西至呈貢縣界四十里，南至徽江府河陽縣界三十里，北至嵩明州界三十里，東南至路南州界三十里，西南至河

陽縣界三十里，東北至曲靖府陸涼州界三十里，西北至昆明縣界五十里。古滇池縣地，陳、隋時蠻酋羅

氏築城，號囉褒龍，夷謂城為龍也。唐為昆州地。元初立宜良匡城

及大池千戶所，至元中改置宜良州，領大池、赤水二縣，後改州

為縣，屬中慶路，併二縣入焉。明屬雲南府，今因之。縣東客爭容

山，高出雲表，為一縣鎮，雉山在城內正南，水則明湖清澄如鏡，大

城江源出舊陽宗縣，東注大池江，入八達河。府西北一百三十里

為羅次縣

東至富民縣界三十里，西至祿豐縣界三十里，南至安寧州界六十里，北至武定州界三十里，東南至富民縣界三十里，西南

至祿豐縣界一百二十里，東北至富民縣界二十里，西北至武定州界三十五里。

古壓磨呂村，烏蠻羅部農落

擇居此。宋時大理高量成令高白蓮慶治其地，元至元中置羅

次州，屬中慶路，後改為縣，屬安寧州。明宏治十二年改屬雲南

府，今因之，舊無城，國朝始築。山則玉龍、白華，環列如畫，分水嶺

二水分流，一流出五道河，一流入金水河，由祿豐而注元江，即

星宿江之源。土巡檢一，駐鍊象關。銅廠一，曰大美，知縣理之。府

南九十里，為晉寧州。

東至徽江府河陽縣界五十里，西至昆陽州界三十里，南至河陽縣界十里，北至呈貢縣界五十里，東南至

河陽縣界十里，西南至徽江府江川縣界五十里，東北至呈貢縣界八里，西北水路至昆明縣界八十里。

漢滇池縣，為益州郡治。

晉屬晉寧郡，隋置昆州，尋廢。唐初復置，後入於蒙氏，為陽城堡。

段氏因之。元初置陽城堡萬戶府，至元十二年改州，屬中慶路。明

屬雲南府，今因之。負山帶河，腴田沃壤，城西五里有金沙草湖，即